



Inatsisartunut ilaasortaq
Jens Napätök', Naleraq
/Maani

Maniitsumi innaallagissiorfik pillugu § 37 naapertorlugu apeqquaqammut nr. 152-2023-mut akissut

Asasara Jens Napätök'

Maniitsumi innaallagissiorfik pillugu Inatsisartut Suleriaasianni § 37, imm 1 naapertorlugu Naalakkersuisunut apeqquaqarputit. Apeqqutit uannut akisassanngorlugit innersuunneqarput.

Apeqqutit matuma kinguliani ataasiakkaarlugit issuarneqarput, akissuteqaat kingornanniilluni.

1. Maniitsumi elværkitoqqap atorunnaarnikup piiarneqarnissaa qaqugu pilersaarutaava?

Akissut:

Nukissiorfinniit akissuteqaammut ilanngussassanik piniartoqarpoq, taassumalu makkua paasissutissiissutigai:

"Nukissiorfiit sillimmatit innaallagissiorfitorqamut taartissamik nutaamik sillimmatit innaallagissiorfiorput. Sillimmatit innaallagissiorfik nutaaq 2023-mi oktobarimi ingerlatinneqalerpoq. Teknikkikkut atortut, sulii ingerlasut aammalu pilersuinermi pingaarutilinnut ilaasut, sulii sillimmatit innaallagissiorfitorqamiipput.

Sillimmatit innaallagissiorfiup allamut atorneqarsinnaalersinneqarsinnaanissaanut imaluunniit isaterneqarsinnaanissaanut taakkua inissiivissamut allamut nuunneqartussaassapput. Nukissiorfiit nukinginnartumik aningaasaleeqqinnerit pissutigalugit, aningaasaqarnermik pissuteqartumik sulii assat taakkua pingaarnersiunerimi sallitissimangilai."

Pilersaarutigineqanngippat pilersaaruserasuartoqassanerluni piaartumik piiarneqarnissaa pillugu?

Akissut:

Nukissiorfinniit akissuteqaammut ilanngussassanik piniartoqarpoq, taassumalu makkua paasissutissiissutigai:

Allakkat ulluat: 13-11-2023
Suliap normua.: 2023 - 3743
Allagaatip ilisarnaataa:
23581865

Postboks 1614
3900 Nuuk
Oqarasuaat.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

"Nukissiorfiit maannakkorpiaq allamut atorneqalernissaa imaluunniit isaterinissaq pingaarnersiuinermi salliutissimanngilaa."

2. Sinerissami elvækitoqannik atorunnaakkanik allanik peqarpa?

Akissut:

Nukissiorfinniit akissuteqaammut ilanngussassanik piniartoqarpoq, taassumalu makkua paasissutissiissutigai:

"Nukissiorfiit innaallagissiorfeqarpoq sarfaliorunnaarsimasunik, kisianni teknikkikkut atortulersuutinik suli pilersuinermut ilaatinneqartunik peqarfiusunik. Tassani pineqarput Ilulissani, Maniitsumi Sisimiunilu innaallagissiorfiit. Taamaattumik taakkua suli isaterneqanngillat."

Sumiiffinni tallimani innaallagissiorfinnik peqarpoq isaterneqariaannaasunik. Taakkunanani ilaapput Tunumi nunaqarfiit marluk, 191 UUN, Uunarteq aamma 192, ITR, Itserajivit, aamma Kalaallit Nunaata avannaani nunaqarfiit pingasut, tassalu Qaanaap nunaqarfia, Moriusaq aamma Uummannap nunaqarfii matuneqartut, Illorsuit aamma Nuugaatsiaq."

a) Taamaattoqarpat piarneqarnissaat aamma pilersaarusioneqarpat?

Akissut:

Nukissiorfinniit akissuteqaammut ilanngussassanik piniartoqarpoq, taassumalu makkua paasissutissiissutigai:

"Isaterinissamut suliassat arlallit neqeroortitsivigalugit nassiussinissaq sulissutigineqarpoq. Innaallagissiorfiit Illorsuarniittoq aamma Nuugaatsiamiiittoq peerneqarnissaat pilersaarutigineqanngilaa, tassami Nukissiorfiit nunaqarfimmukarsinnaanngimmat."

Moriusami innaallagissiorfitoqqap ilaannaa piarneqarpoq, taamaalilluni suli pigisat illutallu peerneqartussaallutik. Tunumi nunaqarfinni marlunni innaallagissiorfiit atortullu tassunga atasut ingerlanneqarunnaarsimapput, kisianni illutai taamaallaat ilaannakortumik torersarneqarput, illutarpiaata isaterneqarsinnaanissamut suli pigisanik atortunillu peerneqartussanik peqarpoq."

Inussiarnersumik inuulluaqqusillunga


Kalistat Lund



1. november 2023

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq atumuuna saqqummiuppara:

Naalakkersuisunut apeqqutit:

- 1. Maniitsumi elværkitoqqap atorunnaarnikup piiarneqarnissaa qaqugu pilersaarutaava?**
 - a) Pilersaarutigineqangippat pilersaarusionsuortoqassanerluni piaartumik piiarneqarnissaa pillugu?**

- 2. Sinerissami elværkitoqannik atorunnaakkanik allanik peqarpa?**
 - a) Taamaattoqarpat piiarneqarnissaat aamma pilersaarusionsorneqarpat?**

(Inatsisartunut Ilaasortaq Jens Napãtøk', Naleraq)

Tungavilersuut:

Ukiorpassuit elværkitoqap Maniitsumiittoq uninngaannarpoq aammalu piiarneqarpat eqqaa salittariaassalluni. Pisariaqarpoq piaartumik iliuuseqarfigineqarnissaa, ukiorpassuit suneqarani uninngavoq.

Kissaatigaara apeqqut ullut qulit iluani akineqassasoq.